

**BOSNA I HERCEGOVINA  
FEDERACIJA BOSNE I HERCEGOVINE  
UNSKO – SANSKI KANTON  
GRAD BIHAĆ  
JU za sport, odmor i rekreaciju Bihać**

Na osnovu člana 36. Pravila JU za sport, odmor i rekreaciju Bihać („Službeni glasnik Grada Bihaća“ br. 4/16, br.1/2020), Upravni odbor JU za sport, odmor i rekreaciju Bihać u svojstvu predlagača propisa i drugih akata

**Određuje za izvjestioca**

- Sedin Čehić , predsjednik Upravnog odbora JU za sport, odmor i rekreaciju Bihać,
- Ermin Lipović , direktor JU za sport, odmor i rekreaciju Bihać.

Na sjednici Gradskog vijeća Bihać i na narednim tijelima, a prema prijedlogu tačkaka dnevnog reda :

Izvještaj o radu i poslovanju i izvještaj o finansijskom poslovanju za 2020 godinu  
x Program rada i Financijski plan JU za sport, odmor i rekreaciju Bihać za 2021.godinu.

Br:187-06/2021DJ  
Datum: 24.05.2021 god..



Predsjednik Upravnog odbora  
Sedin Čehić

Dostavljeno: -služba za opću upravu i društvene djelatnosti

*Sedin Č*

-a/a

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO – SANSKI KANTON**  
**GRAD BIHAĆ**  
**GRADONAČELNIK**  
Služba za opću upravu i društvene djelatnosti  
Broj: 07/2-04-2781/21  
Bihać, 28.05.2021. godine

**GRADSKO VIJEĆE BIHAĆ**

-ovdje-

**PREDMET: Program rada i finansijski plan**

**Javne ustanove za sport, odmor i rekreaciju Bihać za 2021. godinu,  
mišljenje i stavovi Službe, dostavlja se**

Upravni odbor JU za sport, odmor i rekreaciju Bihać na sjednici održanoj dana 24.05.2021. godine donio je Odluku o utvrđivanju godišnjeg programa rada JU za sport, odmor i rekreaciju Bihać br. 184-06/2021DJ od 24.05.2021. i Odluku o usvajanju Finansijskog plana JU za sport, odmor i rekreaciju Bihać br. 185-06/2021DJ od 24.05.2021.

Navedene Odluke donesene su u skladu sa članom 36. alineja 6 i 7 Pravila Javne ustanove za sport, odmor i rekreaciju Bihać (“Službeni glasnik Grada Bihaća” broj 4/16) kojima je propisano da je Upravni odbor nadležan da utvrđuje godišnji program rada i donosi finansijski plan.

Program rada Javne ustanove za sport, odmor i rekreaciju Bihać za 2021. godinu broj 173-01/2021EL od dana 18.05.2021. godine sadrži uvodni dio, podatke o subjektu i djelatnosti subjekta, podatke o upravljačkoj i kadrovskoj strukturi, analizu postojećeg stanja i plan realizacije programskih aktivnosti, odnosno projekata.

Usklađen sa Finansijskim planom, Program rada predstavlja pregled osnovnih poslovnih i razvojnih ciljeva Ustanove i način njihove realizacije u toku 2021. godine.

Jedan od važnijih projekata Javne ustanove u 2021. godini je projekat sanacije i dogradnje sportske dvorane Luke u suradnji sa Osnivačem. Pored navedenog, Ustanova je planirala i druge projekte kao što je izgradnja pomoćnog terena za nogomet sa umjetnom travom, te sanacija i izgradnja sportskog plivačkog bazena.

Važnije aktivnosti Javne ustanove su i razne sportske manifestacija, od kojih se u 2021. godini planiraju: 36. Novogodišnji malonogometni turnir, Manifestacija za djecu predškolskog uzrasta i Teniski turnir za omladinske kategorije.

Finansijski plan za 2021. godinu Javne ustanove za sport, odmor i rekreaciju broj 174-01/2021EL od 18.05.2021. godine sadrži plan prihoda i rashoda u kojem je dalje razrađen plan prihoda, tabelarni prikaz budžeta JU, obrazloženje Budžeta, tabelarni prikaz Finansijskog plana rashoda za 2021. godinu sa procjenom istog za 2022. godinu, te obrazloženje procjene Budžeta. Prema planu prihoda i rashoda iz Budžeta Grada Bihaća u 2021. godini finansirat će se primanja zaposlenih, održavanja sportskih manifestacija, trenažni proces sportskih klubova i sanacija i adaptacija objekata po Programu rada za 2021. godinu.

Program rada za 2021. godinu i Finansijski plan za 2021. godinu Javne ustanove za sport, odmor i rekreaciju Bihać sačinjeni su u skladu sa Metodologijom za izradu programa rada, finansijskih planova, planova poslovanja, izvještaja o radu i poslovanju i drugih informativnih materijala koji se upućuju Općinskom organu uprave i Općinskom vijeću Općine Bihać (Službeni glasnik Općine Bihać broj 16/09), te se upućuju na razmatranje i usvajanje Gradskom vijeću..

Dostavljeno:  
1. Naslovu  
2. Evidenciji  
3. a/a

Pomoćnik Gradonačelnika  
za opću upravu i društvene djelatnosti  
mr.sci Alisa Mahmutagić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO – SANSKI KANTON**  
**GRAD BIHAĆ**

**Upravni odbor JU za sport, odmor i rekreaciju Bihać**

**Br:**

**Datum:**

Na osnovu člana 27. Uredbe sa zakonskom snagom o ustanovama („Sl.list R BiH“ br.6/92,8/93 i 13/94) i na osnovu člana 20. stav 1. alineja 5. a u vezi 36. alineja 6. i 7. Pravila JU za sport, odmor i rekreaciju Bihać („Službeni glasnik Grada Bihaća“ broj 04/2016), Upravni odbor JU za sport, odmor i rekreaciju Bihać, Gradskom vijeću Grada Bihaća, dostavlja na razmatranje i usvajanje:

Program rada i finansijski plan JU za sport, odmor i rekreaciju Bihać za 2021 godinu

**O b r a z l o ž e n j e**

**I PRAVNI OSNOV**

Pravni osnov za donošenje Odluke o usvajanju programa rada i finansijskom planu JU za sport, odmor i rekreaciju Bihać za 2020 godinu, sadržan je u članu 20. stav 1. alineja 5 Pravila JU za sport, odmor i rekreaciju Bihać, u kojem je propisano da:

„Osnivač JU, usvaja godišnji program rada i finansijski plan JU“, „JU je obavezna da : „pribavi saglasnost Osnivača kod donošenja godišnjeg programa rada i finansijskog plana“, a vezano sa članom 36. Alineja 6. i 7. Pravila JU, kojim je propisano da je Upravni odbor nadležan da:“utvrđuje godišnji program rada i donosi finansijski plan i usvaja godišnji obračun.

**II RAZLOZI DONOŠENJA**

Godišnji program rada i finansijski plan za 2021 godinu JU za sport, odmor i rekreaciju Bihać, su dokumenti koji predstavljaju osnovne ciljeve i zadatke, odnosno aktivnosti za realizaciju istih u 2021 godini.

Isti su usklađeni sa metodologijom za izradu programa rada, finansijskih planova, planova poslovanja, izvještaja o radu i poslovanju i drugih informativnih materijala koji se upućuju Gradskom organu uprave i Gradskom vijeću Grada Bihać („Službeni glasnik Općine Bihać“ br. 16/09).

Shodno gore iznesenom, Upravni odbor JU, dostavlja Gradskom vijeću na razmatranje i usvajanje prijedlog programa rada i finansijski plan JU za sport, odmor i rekreaciju Bihać za 2021 godinu.

### III FINANSIJSKA SREDSTVA

Za realizaciju prijedloga Programa rada za JU za 2021 godinu finansijska sredstva su osigurana kroz redovna sredstva iz Budžeta Grada Bihać za 2021 godinu i od vlastitih sredstava, te nisu potrebna dodatna sredstva.

Za kapitalna ulaganja za sanaciju i dogradnju dvorane Luke potrebna sredstva su osigurana kroz Budžet Grada za 2021 godinu, kao i za druga kapitalna ulaganja u infrastrukturu JU.

Prilog:

- Program rada za 2021 god.,
- Finansijski plan za 2021 god.,
- Odluku o utvrđivanju programa rada za 2021 god.. i Odluka o donošenju finansijskog plana za 2021 god.

Predsjednik Upravnog odbora  
Sedin Čehić

Dostavljeno:- služba za opću i društvene djelatnosti

- a/a

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO - SANSKI KANTON**  
**GRAD BIHAĆ**

**Upravni odbor JU za sport, odmor i rekreaciju Bihać**

**Br: 184-06/2021 DJ**

**Datum: 24.05.2021.god.**

Na osnovu člana 36. alineja 6. Pravila JU za sport, odmor i rekreaciju Bihać („Sl.glasnik Grada Bihaća“ br. 4/16, br.1/2020), na prijedlog direktora JU za sport, odmor i rekreaciju Bihać, Upravni odbor JU za sport, odmor i rekreaciju Bihać, na sjednici održanoj dana 21.05.2021. god. donosi :

## **O D L U K U**

### Član 1.

Utvrdjuje se godišnji program rada JU za sport, odmor i rekreaciju Bihać, za 2021. godinu.

### Član 2.

Godišnji program rada Javne ustanove za sport, odmor i rekreaciju Bihać za 2021. godinu sastavni je dio ove Odluke.

### Član 3.

Godišnji program rada JU za sport, odmor i rekreaciju Bihać za 2021. godinu stupit će na snagu danom pribavljanja saglasnosti Gradskog vijeća.

Predsjednik Upravnog odbora  
Sedin Čehić

Dostavljeno : - služba za opću upravu i društvene djelatnosti

- a/a

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO – SANSKI KANTON**  
**GRAD BIHAĆ**

**Upravni odbor JU za sport, odmor i rekreaciju Bihać**

**Br: 186-06/2021 DJ**

**Datum: 24.05.2021.god.**

Na osnovu člana 36. Alineja 7. Pravila Javne ustanove za sport, odmor i rekreaciju Bihać („Sl.glasnik Grada Bihaća“ br. 4/16), na prijedlog direktora Javne ustanove za sport, odmor i rekreaciju Bihać, Upravni odbor JU za sport, odmor i rekreaciju Bihać, na svojoj sjednici održanoj dana 21.05.2021 god. donio je

**O D L U K U**

Član 1.

Donosi se Finansijski plan Javne ustanove za sport, odmor i rekreaciju Bihać za 2021 godinu.

Član 2.

Finansijski plan Javne ustanove za sport, odmor i rekreaciju Bihać za 2021 godinu sastavni je dio ove Odluke.

Član 3.

Finansijski plan Javne ustanove za sport, odmor i rekreaciju Bihać za 2021 godinu stupa na snagu danom pribavljanja saglasnosti Gradskog vijeća.

Predsjednik Upravnog odbora  
Sedin Čehić

Dostavljeno : - služba za opću upravu i društvene djelatnosti

- a/a

***Javna ustanova za sport, odmor i rekreaciju Bihać***

Ul. Mirze Delibašića bb • 77 000 Bihać • Centrala tel. 037 227-542

---

**PROGRAM RADA ZA 2021. GODINU**

**Djelatnost**

Rad sportskih objekata

**Pravni status**

Javna ustanova

**ID broj**

4263003390000



## SADRŽAJ:

I Uvod .....	3.
II Djelatnost subjekta i podaci o subjektu.....	3.
III Podaci o subjektu.....	4.
IV Upravljačka i kadrovska struktura.....	5.
V Postojeće stanje .....	5.
VI Plan realizacije programskih aktivnosti (projekti).....	8.
VII Zaključak .....	9.

## **I. UVOD**

Program rada za 2021.godinu ima za cilj da predstavi osnovne ciljeve, aktivnosti i način za realizaciju istih za period 2021.godine.

Program rada je usklađen sa financijskim planom, a gdje je osnovni cilj da JU sa objektima koji su joj dati na korištenje ostvari svoj cilj u skladu sa javnim interesom iz kojeg je osnovana, a koja je povjerena od strane Grada Bihaća, a sve u skladu sa Uredbom sa Zakonskom snagom o ustanovama (Sl.list R BiH br. 6/92,8/93 i 13/94), Rješenja Kantonalnog suda u Bihaću od 25.08.1997.god. i Pravila Javne ustanove za sport, odmor i rekreaciju Bihać (Službeni glasnik Grada Bihaća br.4/2016, br.1/2020).

Osnovni zadatak JU za sport, odmor i rekreaciju je da bude glavni nosilac, organizator i suorganizator sportskih, edukativnih, kulturnih i drugih prigodnih dešavanja u Gradu Bihaću, da obezbijedi što bolje uslove za rad sportskim klubovima i rekreaciju građanima, a pogotovo mlađoj populaciji, tako da će se maksimalno zalagati da u potpunosti iste i realizira.

Prethodnu 2020.godinu koja je bila u znaku pandemije i sama realizacija projekta „Rekonstrukcije i dogradnje sportske dvorane Luke,, ipak smo je iskoristili za pripremu nekoliko ideja vezanih za dalji rad, ali i za samo poboljšanje uslova pružanja usluga, tako da je prikupljena potrebna dokumentacija, pokrenuta procedura oko prikupljanja potrebne dokumentacije za sanaciju i stavljanje sportskog bazena Prekounje u funkciju, prikupljanje potrebne dokumentacije za realizaciju izgradnje pomoćnog terena sa umjetnom travom na lokaciji Luke, te još neke sitne ideje, a sve u cilju pružanja boljih uslova uz povećanje prostora za naše korisnike.

## **II. DJELATNOST SUBJEKTA**

Osnovna djelatnost i djelokrug rada Javne ustanove za sport, odmor i rekreaciju je:

- upravljanje i korištenje sportskim objektima, što nam je povjereno od strane Osnivača,
- organizovanje, odnosno pružanje usluga tjelesne i sportske aktivnosti, djece, omladine, kao i drugih građana, a koja se ostvaruju kroz saradnju sa Gradskim Sportskim savezom Bihać, Sportskim savezom USK-a, te drugim stručnim ustanovama i pojedincima,
- pružanje usluga takmičarskom sportu,
- pružanje usluga i organizovanje rekreativne, kulturne i privredno-turističke aktivnosti,
- pružanje usluga za pripreme vrhunskih sportista,
- učešće u organizovanju i pružanju usluga sportskih manifestacija nivoa državnih, međunarodnih, evropskih, balkanskih i drugih prvenstava,
- te drugi poslovi i radni zadaci utvrđeni Pravilima JU-e.

Iz gore navedenog je jasno da JU u svom radu i poslovanju, u okviru svoje djelatnosti, vrši prvenstveno pružanje usluga, te učestvuje sa drugim ustanovama, sportskim kolektivima i privrednim subjektima u organizaciji sportskih, zabavnih i kulturnih, te privrednih manifestacija.

Jedan od primarnih zadataka JU u svom radu je upravljanje sportskim objektima koji su joj dati na upravljanje i korištenje od strane Osnivača, te maksimalno uz sve raspoložive izvore i kapacitete, ljudske i materijalne se stavimo u funkciju dobrog domaćina, u očuvanju, održavanju i maksimalnoj iskorištenosti objekata.

Javna ustanova za sport, odmor i rekreaciju Bihać je pravni subjekt u kojem se obavljaju poslovi sportskih djelatnosti, administrativno-tehnički poslovi, marketing, održavanje objekata i sportskih terena i drugi poslovi od zajedničkog interesa.

Neposredni zadaci, koje ćemo realizirati u toku 2021. godine, a zadaci koji su trajnog karaktera jesu:

- održavati stalni kontakt sa Gradskim Sportskim savezom Bihać, sa obrazovnim ustanovama, sportskim klubovima, školama sporta, trenerima, instruktorima, te drugim pravnim licima, ustanovama i organizacijama koje su vezane za sportske aktivnosti, privredne i kulturno zabavne manifestacije, a vezano za korištenje SD „LUKE“ i SRC „Rifat Zolić Gero-STENS“,
- pružiti usluge korištenja SD „LUKE“ za trenažni proces sportskim klubovima, kao i pružanje usluga odigravanja utakmica (službenih, prijateljskih, međunarodnih i drugih utakmica),
- održavanje termina tjelesnog odgoja za obrazovne ustanove, te pružanje usluga za rekreaciju građana u SD „LUKE“ i SRC „Rifat Zolić Gero-STENS“,
- redovno održavanje i čišćenje u cilju tehničke i funkcionalne ispravnosti osnovnih sredstava sportskih objekata SD „LUKE“ i SRC „Rifat Zolić Gero-STENS“.
- realizirati ugovore o reklami i propagandi iz poslova marketinga,
- aktivno učestvovati u davanju sugestija i inicijativa iz oblasti sportskog informisanja, te u suradnja sa medijima informisati o radu i djelatnostima JU, o održavanju novogodišnjeg turnira i drugih manifestacija u kojoj učestvuje JU, te sugestije u vezi iznajmljivanja sportskih objekata u sportske, kulturno-zabavne i privredne manifestacije,
- redovno pratiti i sprovoditi sve zakonske propise iz oblasti finansija i knjigovodstva,
- blagovremeno obavljanje svih administrativno-tehničkih poslova.

Normativni okvir koji čini osnovu djelovanja:

1. Zakon o ustanovama („Sl. Glasnik R BiH“ br. 6/92, 8/93 i 13/94)
2. Zakon o sportu („Sl. Glasnik R BiH“ br. 27/08 i „Sl. Glasnik USK-a“ br.15/10)
3. Osnivački akt (Odluka Općinskog vijeća općine Bihać br. 01-023-19/95 od 6.01.1995.god.)
4. Pravila Javne ustanove za sport, odmor i rekreaciju Bihać („Sl.glasnik Grada Bihać“ br. 4/2016 , br.1/2020).

### **III. PODACI O SUBJEKTU**

Odlukom Općinskog vijeća Bihać br. 01-023-82/94 od 26.01.1995. i Zaključkom OV-a davanje na upravljanje i korištenje izgrađenih sportskih terena sa pripadajućim objektima SRC „Rifat Zolić Gero-STENS“ br. 02-2-9341/07 od 29.08.2007.god. JU za sport, odmor i rekreaciju Bihać, na upravljanje i korištenje dodijeljeni su sljedeći objekti:

- Sportska dvorana „LUKE“,

- SRC „Rifat Zolić Gero-STENS“,
- Zimski sportski centar „DUGA LUKA“ na Plješevici,
- Zatvoreni plivački bazen u Prekounju
- Gradski stadion „Borići“.

Kad su u pitanju objekti koji su nam povjereni na upravljanje i korištenje, na raspolaganju su SD „LUKE“ Bihać i otvoreni tereni SRC „Rifat Zolić Gero-STENS“, a koji je uveliko poboljšao način rada, funkcionisanja i finansiranja JU za sport, odmor i rekreaciju, uz veliko zalaganje Osnivača, te Upravnog odbora i zaposlenika JU za sport, odmor i rekreaciju Bihać, a ostali objekti su trenutno neupotrebljivi.

#### IV. UPRAVLJAČKA I KADROVSKA STRUKTURA

Upravljačka struktura:

- Upravni odbor
- Nadzorni odbor
- Direktor.

Kadrovska struktura:

RUKOVODILAC USTANOVE	
Pozicija	Broj zaposlenih
Direktor	1
STRUČNI POSLOVI	
Pozicija	Broj zaposlenih
Saradnik za pravne poslove	1
Saradnik za računovodstvo	1
OPŠTI POSLOVI	
Pozicija	Broj zaposlenih
Rukovodilac „SRC Rifat Zolić Gero-Stens“	1
Blagajnik	1
Referent za održavanje objekata	1
Tehnički sekretar	1
Majstor na održavanju-ložać	4
Higijeničar-čistač	6

Stalno se radi na kontinuiranom obrazovanju i edukaciji zaposlenih u raznim oblastima.

#### V. POSTOJEĆE STANJE

Stanje u kom se nalazi JU za sport, odmor i rekreaciju je trenutno zadovoljavajuće, a od prošle godine je na trezorskom poslovanju. Obzirom da Ustanova, sa naprijed navedenim ciljevima, a prije svega pružanje usluga korištenja terena ali i lokacija za okupljanje mladih u sportu, sportskih kolektiva koji egzistiraju na području Grada Bihaća, a i građana koji konzumiraju sport

i sportske aktivnosti u svrhu rekreacije. Vlastite prihode ostvarujemo pružajući usluge u objektima SD „Luke“ i SRC „Rifat Zolić Gero - STENS“.

### **SPORTSKA DVORANA “LUKE“**

je objekat izgrađen 1983. godine, tako da je, zbog svoje dotrajalosti, dobrim dijelom izgubio svoju prevashodnu funkciju za koju je i namjenjen. Trenutno se izvode građevinski radovi na istoj koji su počeli 06.06.2020.godine i još traju radovi na istoj. U sklopu rekonstrukcije i dogradnje sportske dvorane Luke će se realizirati :

- Zamjena kompletnog lima sa termalnim limom zvani sendvič kao i cijelog krovišta.
- Zamjena cjelokupne bravarije,
- Rušenje dijela istočnog balkona te izgradnja novog segmenta tribina na istom mjestu, čime će se povećati za oko 430 novih sjedećih mjesta za gledatelje, a ispod tribina će biti dodatni prostor za sportske rekvizite,
- Rušenje dijela malih sala i dogradnja suterena gdje će se izgraditi dodatne nove četiri svlačionice za korisnike , te će se izgraditi tri nove manje sportske sale za borilačke i aerobne sportove, takođe će se u suterenu sa posebnim ulazom izgraditi prostor za fitness sa pratećim sadržajem,
- Na prvom spratu će se dograditi novi dio betonske ploče čime će se dobiti nova površina od 920 m<sup>2</sup> gdje će se dobiti prostor za sve loptačke sportove samo za trenažni proces , ali isto tako će se koristiti i za rekreaciju, te će biti jedan dio i za sportske rekvizite,
- U cijelom prostoru dvorane će se uraditi i dodatne intervencije na postojećim svlačionicama, te u kancelarijskom prostoru, prostoru za posjetitelje i prostor za ugostiteljske usluge.

Ukupna procjena ulaganja je oko **2.320.000,00 KM**  
Sredstva obezbjeđena kroz budžet Grada

**Grijanje** Planiramo uraditi kompletnu sanaciju ili rekonstrukciju sistema grijanja, a u cilju realizacije ovog projekta u suradnji sa Razvojnoum agencijom USK-a i Osnivačem je urađen i predložen projekt prema IPA fondovima.

Procjena ulaganja cca **320.000,00 KM**  
Sredstva obezbjeđena iz IPA fondova.

**Vatro-dojava** - Po inspekcijskom nalazu iz 2012. godine naloženo je da se dovede sistem ručne vatro-dojave u ispravno stanje, međutim ona je totalno devastirana i zastarjela, te je potrebno postaviti novu vatro-dojavu, te su kontaktirane certificirane kuće DOO „ABBA“ i DOO „IN-EL“ oko nabavke iste.

Procjena ulaganja **12.000,00 KM**  
Sredstva nisu obezbjeđena.

- **Tekuće održavanje** - pored planiranih rekonstrukcija u 2021. godini se planira redovno i tekuće održavanje objekata koje iziskuje određena materijalna sredstva.  
Vlastita sredstva, procjena ulaganja cca **20.000,00 KM**
- **Opremanje sportske dvorane Luke** – nabavka sportskih rekvizita za trenažni proces loptačkih sportova , te sportski mobilijar za odvijanje tjelesnog odgoja .  
Procjena ulaganja cca **38.000,00 KM**  
Sredstva nisu obezbjeđena.

## **SPORTSKO REKREACIONI CENTAR „RIFAT ZOLIĆ GERO -STENS“**

je objekat koji je od strane Osnivača predat Ustanovi na upravljanje i korištenje. Sportski centar ima dva malonogometna terena, pet teniskih terena i jedan teren za trenažni proces. U zimskom periodu montiramo klizalište. Ovaj objekat je ispunio svoju svrhu, međutim ono što je problematika ovog objekta je to, što je otvorenog tipa, tako da sve aktivnosti zavise od vremenskih prilika odnosno nepravilnosti, a samim tim zavisi i finansijsko poslovanje Ustanove.

### ***Prijedlog nabavki roba:***

- Sijalice za reflektore na nogometnim i teniskim terenima. Svake godine po nekoliko sijalica na vanjskim terenima pregori, te je potrebna njihova redovna zamjena, kako bi se zadržao kvalitet usluga i zadovoljili korisnici. Snaga sijalica 1000W.

Procijenjena vrijednost: 1.000,00 KM

Vlastita sredstva , direktna nabava, april 2021 god.

- Sportski rekviziti i oprema: mreže na nogometnim golovima, nogometne i teniske lopte, reketi, pumpe za lopte, klizaljke i sl.

Procijenjena vrijednost: 800,00 KM

Vlastita sredstva , direktna nabava, po potrebi.

- Farbe, lakovi i boja: za zidove, ograde i ostale površine koje se moraju redovno održavati na vanjskim terenima.

Procijenjena vrijednost: 500,00 KM

Vlastita sredstva, direktna nabava, po potrebi.

### ***Prijedlog radova:***

- Sanacija grijanja: U novom dijelu objekta, koji je izgrađen 2007. godine, instalirano je centralno grijanje koje radi na lož ulje. Kako je cijena tog energenta u današnje vrijeme izuzetno visoka predložena je zamjena kotla, tj. ugradnja kotla na pelet i postavljanje grijnih tijela (sala i kancelarije), kako bi se dugoročno smanjio izdatak za grijanje u toku zime i poboljšao kvalitet usluga u objektu SRC „STENS“

Procijenjena vrijednost. **35.000,00 KM**

Sredstva nisu obezbijeđena , Javni poziv za dostavu ponuda, jun-jul 2020.g.

- Sanacija svlačionica u starom dijelu objekta. Muška i ženska svlačionica zbog dotrajalosti podloge na podu, zidova i sanitarnih čvorova ne pružaju potrebne uslove za normalno i prije svega higijenski zdravo korištenje korisnika. Potrebno je uraditi: postavljanje pločica zidnih i podnih, ugradnja ventilacije, farbanje drvene stolarije i sitne intervencije na umivaonicima i wc školjkama.

Vlastita sredstva, procijenjena vrijednost: **8.506,00 KM**

- Zamjena i instalacija novih rasvjetnih tijela sa LED reflektorima na terenima za tenis i mali nogomet je prijeko potreban. Tokom 2020.godine dobili smo jedan dio sredstava za nabavku led reflektora za jedan teren za tenis , te će se u ovoj godini iz vlastitih sredstava uraditi zamjena istih prije početka sezone korištenja, ali će se isto tako nastaviti pratiti

pozive za apliciranje projekata prema drugim nivoima vlasti kako bi se zamejnili svi reflektori, čime bi se značajno smanjili materijalni troškovi .

Procjenjena ukupna vrijednost oko **27.000,00 KM**

Sredstva nisu obezbjeđena, Javni poziv za dostavu ponuda, januar-jul 2021.g.

- Montaža klizališta na lokaciji centra grada. U toku mjeseca novembra-decembra izvršiti pripremu za rad klizališta. Početak sezone klizanja planiran za sredinu decembra (zavisno od vremenskih prilika), a sezona korištenja klizališta planirana do kraja mjeseca januara naredne godine. Za sezonu klizanja potrebno je nabaviti određen broj klizaljki većih brojeva 43-46, te kartice za prodaju sezonskih i grupnih ulaznica.

Vlastita sredstva, troškovi montaže opreme, prijevoz, pomoćnih radnika i sl. : **3.000,00KM**

### **GRADSKI STADION „BORIĆI“**

Vraćen je na upravljanje i korištenje rješenjem broj: 06/1-31-5003/17 od 18.07.2017.godine na osnovu kojeg je ukinuto rješenje Sektora za urbanizam, geodetsko – katastarske i imovinske - pravne poslove Općine Bihać br: 04-374-257/95 od 11.09.1997.godine.

U 2019.godini u sklopu JU je urađen idejni projekt za uređenje dodatnog terena sa umjetnom travom, te je pokrenuta procedura za prikupljanje potrebne dokumentacije kako bi se pristupilo i samoj realizaciji. U budžetu Grada , kroz budžet za JU obezbjeđena su sredstva za realizaciju projekta tako da će se u 2021.godini završiti isti i staviti u funkciju. Na ovom terenu će prioritet imati Nogometni klub Jedinstvo, ali isto tako i drugi korisnici i klubovi koji iskažu interes, a sve u skladu na ekonomskom opravdanošću, kako bi se obezbijedila sredstva za dalje njegovo održavanje.

Procjenjena ukupna vrijednost oko **400.000,00 KM**

Javni poziv za dostavu ponuda, mart-jul 2021.g.

### ***Sportski centri koji se nalaze van upotrebe su:***

- sportski bazen u Prekounju i
- sportski centar Duga Luka na Plješevici

**Sportski bazen** - koji se nalazi u Prekounju, uz suradnju sa Gradskom upravom urađen je idejni projekt te se krenulo u prikupljanje potrebne dokumentacije za sanaciju i izgradnju sportskog plivačkog bazena na istoj lokaciji u Prekounju. Kroz budžet JU obezbijedena su sredstva za izradu glavnog projekta, a kroz Budžet Grada obezbjeđena su sredstava za prvu fazu realizacije projekta. U prvoj fazi se predviđaju radovi na sanaciji postojeće konstrukcije, postavljanje termalnog lima, te izgradnja dva bazena i to jedan za treninge plivanja dužine 25 metara i drugi za učenje plivanja dužine oko 20 metara, ali dinamične dubine kako bi bio pristupačan raznim uzrastima.

Procijena ulaganja cca **1.040.000,00 KM**

Sredstva JU 40.000,00 KM

Sredstva Grada Bihać 1.000.000,00KM

**Objekat Duga Luka** - predlažemo da putem javnog konkursa pokrenemo aktivnosti za davanje tog lokaliteta drugim fizičkim ili pravnim licima na koncesiju ili mogućnost javno-privatnog partnerstva ili vidjeti mogućnost stavljanja ovog objekata u funkciju i davanja na upravljanje.

Realizacija nabrojanih aktivnosti zahtjeva duži vremenski period i zavisit će od izvora financiranja tj. osiguranih sredstava u Budžetu Grada, vlastitih sredstava ili kreditnih zaduženja.

## **VI. PLAN REALIZACIJE PROGRAMSKIH AKTIVNOSTI (PROJEKTI) U 2021. GODINI**

### **MANIFESTACIJE**

Naziv manifestacije: 36. Novogodišnji malonogometni turnir

Pravni ili drugi osnov za sprovođenje: Pravila JU član 18. – U okviru svoje djelatnosti, JU obavlja sljedeće poslove: pruža usluge natjecateljskog sporta i vrši organizovanje sportsko-turističko-rekreativnih kulturnih priredbi,

Rok za pripremu i realizaciju manifestacije: Početak manifestacije je početak decembra 2021.godine. Precizan početak i kraj se ne može tačno utvrditi iz objektivnih razloga, a zivisit će prvenstveno od realizacije projekta sanacije dvorane, ali i od broja prijavljenih ekipa i održavanjem prvenstvenih utakmica drugih grana sporta..

Manifestacija ima za cilj sportsko – rekreativno takmičenje u malom nogometu u kategorijama pretpioniri, pioniri, seniori i veterani

Finansijska struktura: vlastita sredstva-kotizacije u iznosu od 23.000,00 KM  
- donacije i sponzorstva 2.000,00 KM

Naziv manifestacije: Manifestacija za djecu predškolskog uzrasta

Pravni ili drugi osnov za sprovođenje: Pravila JU čl. 18. u okviru svoje djelatnosti JU obavlja i sljedeće poslove: pruža usluge natjecateljskog sporta i vrši organizovanje sportsko-turističkih-rekreativnih kulturnih priredbi.

Rok za pripremu i realizaciju: rok za održavanje manifestacije se ne može precizno odrediti, sve će zavisiti od plana aktivnosti gradskih vrtića u 2021. godini.

Organizovanje manifestacije je zabavnog karaktera predškolskog uzrasta, a sve u saradnji sa gradskim vrtićima.

Finansijska struktura: vlastita sredstva u iznosu od 2.000,00 KM

Naziv manifestacije: Teniski turnir za omladinske kategorije:

Pravni ili drugi osnov za sprovođenje: Pravila JU čl. 18. U okviru svoje djelatnosti JU obavlja i sljedeće poslove: pruža usluge natjecateljskog sporta i vrši organizovanje sportsko-turističkih-rekreativnih kulturnih priredbi.

Rok za pripremu i realizaciju: Turnir će biti organiziran na početku školskog raspusta, tj. sredinom mjeseca juna 2021. god.

Turnir je namjenjen za svu djecu sa područja grada Bihaća i šire, koja su uključena u rad nekog od teniskih klubova, kategorije: U-8, U-10, U-12, U-14

Finansijska struktura: vlastita sredstva 500,00 KM  
Kotizacija 1.200,00 KM



## VII. ZAKLJUČAK

U 2021. godini se planira realizacija projekt sanacija i dogradnja sportske dvorane Luke u suradnji sa Osnivačem. Od strane izvođača radova koji je tražio produženje roka za završetak radova na istoj, očekuje se do mjeseca augusta i završetak istih. Do mjeseca septembra kada i službeno započinje sportska sezona, planirano punim kapacitetom

Plan je da se do mjeseca septembra Dvorana pripremi za nastupajuću sportsku sezonu. Sama dinamika će se uraditi sa izvođačem radova, dok osoblje JU treba da pripremi objekat za radove, te da u skladu sa svojim raspoloživim osobljem i sredstvima učestvuju u samoj realizaciji.

Obezbijedena su sredstva za predviđene radove tako da ne bi trebalo da bude problema oko same realizacije.

Takođe će se u proljetnom dijelu godine pokušati realizirati projekat izgradnja pomoćnog terena za nogomet sa umjetnom travom, a i sredstva su obezbijedena tako da ne bi trebalo biti problema. Raspisivanje javne nabavke za izvođenje radova će uraditi JU u skladu sa svojim mogućnostima.

Nakon pribavljanja urbanističke suglasnosti pokrenut će se javni poziv za izradu glavnog projekta za Bazen, te će se nastaviti prikupljanja potrebne dokumentacije za samu realizaciju. Plan je da se u prvoj polovini godine dođe do glavnog projekta, a u drugoj polovini godine da se i krene u realizaciju sa prvom fazom projekta.

Nastavit će se pratiti svi pozivi sa viših nivoa vlasti radi pisanja i apliciranja za dobivanje sredstava za realizaciju projekata za Led reflektore i grijanje na Stensu.

JU će u ovoj godini imati nekoliko projekata koji će se realizirati u cilju poboljšavanja rada, prvenstveno povećavanjem prostora za korištenje, ali isto tako se povećava vjerovatnoća da će se povećati i vlastita sredstva. Osoblje JU će u skladu sa rasporedom i potrebama biti privremeno preraspoređeno na neke druge obaveze i poslove u cilju realizacije samih projekata, ali isto tako će se u jednom dijelu godine pojedini uposlenici upućivati na doobuku za korištenje i rad na pojedinim novim sredstvima za rad ( rad na fiskalnoj kasi, rad na klima uređaju, rad na sistemu grijanja i slične potrebe).

JU je u obavezi da u skladu sa svojim mogućnostima pribavi sve potrebne dokumente kao i ostale potrebne materijale kako bi se realizirao navedeni projekt. Pokrenuti potrebne radnje u suradnji sa nadležnim službama, kao i utvrđivanja nosioca pojedinih djelova projekta kako sama realizacija projekta ne bi bila upitna.

Broj. 173-01/2021 EL  
Datum: 18.05.2021. god.

Direktor  
Ermin Lipović

***Javna ustanova za sport, odmor i rekreaciju Bihać***

Ul. Mirze Delibašića bb • 77 000 Bihać • Centrala tel. 037 227-542

---

**FINANSIJSKI PLAN ZA 2021. GODINU**

**Djelatnost**

Rad sportskih objekata

**Pravni status**

Javna ustanova

**ID broj**

4263003390000

Mart 2021. godine

## S A D R Ž A J

<b>I UVOD .....</b>	<b>3</b>
1. Finansiranje JU.....	3
<b>II PLAN PRIHODA I RASHODA.....</b>	<b>3</b>
2. Plan prihoda .....	3
2.1. Tabelarni prikaz budžeta JU .....	4
2.2. Obrazloženje Budžeta.....	5
2.3. Tabelarni prikaz Finansijskog plana rashoda za 2021. godinu sa procjenom istog za 2022. godinu.....	5
2.4. Obrazloženje procjene budžeta .....	6
<b>III ZAKLJUČAK .....</b>	<b>6</b>

## **I – U V O D**

Javna ustanova je osnovana osnivačkim aktom Općine Bihać br. 24/1-95 od 23.03.1995. godine i upisana je u sudski registar kod Kantonalnog suda u Bihaću.

Osnivač JU je Grad Bihać.

U okviru svoje djelatnosti, JU obavlja sljedeće poslove:

- organiziranje fizičke i sportske aktivnosti djece i omladine, kao i drugih građana, koje se ostvaruje u okviru stručno usmjerenog fizičkog vježbanja i sportskog treninga,
- pruža usluge natjecateljskog sporta i vrši organizovanje sportsko-turističko-rekreativnih i kulturnih priredbi,
- pruža usluge građanima u obavljanju sportsko-rekreativnih aktivnosti,
- posebno organizira aktivnosti sa sportskim talentima i pripreme sportaša za evropska , svjetska prvenstva i Olimpijske igre, uz primjenu suvremenih metoda rada,
- vrši poslove upravljanja i održavanja sportskih objekata, kao i druge poslove utvrđene Pravilima Javne ustanove.

### **Finansiranje Javne ustanove vrši se iz Budžeta Grada Bihać.**

JU na osnovu Zaključka br. 01-14-4841 od 20.12.2019.godine je zatvorila svoje transakcijske račune zbog prelaska na trezorsko poslovanje, tako da JU je od januara 2020.godine. uvrštena u Budžet Grada Bihaća.

Budžet JU za 2021.godinu je usvojen u sklopu Budžeta Grada, gdje su definisani sami rashodi kao i prihodu.

## **II-PLAN PRIHODA I RASHODA**

### **2. Plan prihoda**

Iz budžeta Grada Bihaća u 2021. godini će se finansirati primanja uposlenih (plaće uposlenih sa pripadajućim porezom i doprinosima), održavanje sportskih manifestacija, trenazni proces sportskih klubova, sanacija i adaptacija objekata po programu rada za 2021. godinu. Vlastite prihode u 2021. godini planiramo u iznosu oko 230.000,00 KM.

Zbog izvođenja radova na gradskoj dvorani Luke, sigurno se biti upitno ostvariti planirani prihod, ali ćemo nastojati da u skladu sa vremenskim uslovima pronađemo dodatne mogućnosti prihoda na terenima na SRC Stensu.

## 2.1. Tabela prikaz plana budžeta JU za 2021. godinu:

KONTO	OPIS	Budžet za 2021.g.
<b>610000</b>	<b>I TEKUĆI RASHODI</b>	<b>498.470,00</b>
<b>611000</b>	<b>PLATE I NAKNADE TROŠKOVA ZAPOSLENIH</b>	<b>352.800,00</b>
<b>611100</b>	<b>Bruto plaće i naknade</b>	<b>294.000,00</b>
<b>611200</b>	<b>Naknade troškova zaposlenih</b>	<b>58.800,00</b>
611211	Naknade za prijevoz s posla i na posao	3.000,00
611221	Naknade za topli obrok	35.000,00
611224	Regres za godišnji odmor	9.000,00
611225	Otpremnina zbog odlaska u penziju	3.200,00
611227	Pomoć u slučaju smrti	6.400,00
611229	Pomoć u slučaju ostalih bolesti	2.200,00
<b>612100</b>	<b>DOPRINOS POSLODAVCA I OSTALIH DOPRINOSA</b>	<b>30.000,00</b>
<b>613000</b>	<b>IZDACI ZA MATERIJALNE SITNE INTERVENCIJE I USLUGE</b>	<b>115.670,00</b>
613100	Putni troškovi	500,00
613200	Izdaci za energiju	30.000,00
613300	Izdaci za komunikaciju i komunalne usluge	15.350,00
613400	Nabavka materijala i sitnog inventara	10.000,00
613500	Izdaci za usluge prevoza i goriva	5.000,00
613700	Izdaci za tekuće održavanje	15.000,00
613800	Izdaci osiguranja, bankarskih usluga i usl.platnog prometa	500,00
613900	Ugovorene i druge usluge	39.320,00
613910	Izdaci za informisanje	1.000,00
613920	Usluga za stručno obrazovanje	1.000,00
613930	Stručne usluge	4.000,00
613960	Zatezne kamate i troškovi spora	3.000,00
613970	Izdaci po osnovu drugih samostalnih djelatnosti i povremenog samostalnog rada	8.540,00
613980	Izdaci za poreze i doprinose na dohodak od druge samostalne djelatnosti i povremenog samostalnog rada	3.580,00
613991	Ostale nespomenute usluge i dadžbine	2.000,00
613995	Izdaci za fizičko obezbjeđenje objekta	1.200,00
613997	Izdaci za PDV	15.000,00
<b>821000</b>	<b>II KAPITALNI IZDACI</b>	<b>793.700,00</b>
<b>821000</b>	<b>IZDACI I NABAVKA STALNIH SREDSTAVA</b>	<b>793.700,00</b>
821300	Nabavka opreme	1.700,00
<b>821310</b>	<b>Kancelarijska oprema</b>	<b>600,00</b>
821312	Kompjuterska oprema	600,00
<b>821360</b>	<b>Strojevi , uređaji, alati i instalacija</b>	<b>1.100,00</b>
821361	Strojevi, uređaji, alati i instalacija - viljuškar paletar	1.100,00
<b>821500</b>	<b>Nabavka sitnih sredstava u obliku prava</b>	<b>65.000,00</b>
<b>821520</b>	<b>Osnivačka ulaganja</b>	<b>65.000,00</b>
821521	Izrada i revizija glavnog projekta rekonstrukcija gradskog bazena Prekounje	30.000,00
821521	Izrada idejnog projekta Istočne tribine gradskog stadiona Borići	5.000,00
821521	Izrada idejnog - izvedbenog projekta sa antenskim stubom Zapadne tribine gradskog stadiona Borići	30.000,00
<b>821600</b>	<b>Rekonstrukcija i investiciono održavanje</b>	<b>727.000,00</b>
<b>821610</b>	<b>Rekonstrukcija</b>	<b>727.000,00</b>
	Nabavka i postavljanje natkrivenog multifunkcionalnog terena - Stens	240.000,00
	Sanacija ravijete na SRC Stens II faza - sredstva Federalnih ministarstva kulture i sporta	10.000,00

	Sanacija rasvijete na SRC Stens II faza - sredstva Ministarstva za građenje , prostorno uređenje i zaštitu okoliša USK-a	17.000,00
	Uređenje pomoćnog terena za nogomet	400.000,00
	Troškovi izdavanja odobrenja za građenje - Rekonstrukcija gradskog bazena Prekounje	60.000,00
	<b>SVEGA RAZDJEL 9001000</b>	<b>1.292.170,00</b>

## 2.2. Obrazloženje

611000 PLATE I NAKNADE TROŠKOVA ZAPOSLENIH 352.800,00 KM

Od ovog iznosa je za bruto plaće i naknade 294.000,00 KM, te naknade troškova zaposlenih 58.800,00 KM. U tabelarnom prikazu su prikazane naknade, te je jednim dijelom više, za planirana sredstva za odlazak u penziju jednog zaposlenog.

613000 IZDACI ZA MATERIJALNE SITNE INTERVENCIJE I USLUGE 178.970,00 KM

U tabelarnom prikazu je priloženo po kontima izdaci za više tekućih održavanja i redovna materijalna sredstva za redovan rad. Od ovog iznosa imamo planirane izdatke za energiju 30.000,00 KM, što je ukupno za grijanje, te električna energija u dva objekta. Izdaci za tekuće održavanje su planirani u iznosu od 15.000,00KM ali moguće da će možda biti i nedostatna, jer će se izvoditi radovi u dvorani Luke. Taj dio sredstava smo planirali kao ostale nespomenute usluge i dadžbine u iznosu od 2.000,00 KM. U ovoj stavki je i planirani iznos od 15.000,00 KM za PDV.

821000 KAPITALNI IZDACI 793.700,00 KM

Ovdje su planirana sredstva za izradu i reviziju glavnog projekta za rekonstrukciju gradskog bazena Prekounje u iznosu od 30.000,00 KM, a u Gradskom Budžetu su planirana sredstva za same radove, gdje je planirano da se radi u nekoliko faza.

Izrada idejnog – izvedbenog projekta sa antenskim stubom zapadne tribine gradskog stadiona Borići 30.000,00 KM. Izrada idejnog projekta istočne tribine gradskog stadiona Borići 5.000,00 KM.

Također su planirana sredstva za nabavku i postavljanje natkrivenog multifunkcionalnog terena -Stens u iznosu od 240.000,00 KM.

Planirana su sredstva za uređenje i postavljanje umjetne trave na pomoćnom terenu za nogomet na prostoru Luka u sklopu prostora koji je vezan za gradski stadion Borići u iznosu od 400.000,00 KM. Ove aktivnosti će izvoditi JU kroz javni poziv za radove, dok se pribavi potrebna dokumentacija.

Planirana su i sredstva u iznosu od 60.000,00 KM za troškove izdavanja odobrenja za građenje – rekonstrukcija gradskog bazena Prekounje.

## 2.3. Tabelarni prikaz procjene budžeta JU

KONTO	OPIS	Budžet za 2020.god.	Budžet za 2021.god.	Budžet za 2022.god.
<b>610000</b>	<b>I TEKUĆI RASHODI</b>	<b>552.920,00</b>	<b>498.470,00</b>	<b>498.470,00</b>
<b>611000</b>	<b>PLATE I NAKNADE TROŠKOVA ZAPOSLENIH</b>	<b>343.950,00</b>	<b>352.800,00</b>	<b>352.800,00</b>
<b>611100</b>	<b>Bruto plaće i naknade</b>	<b>292.100,00</b>	<b>294.000,00</b>	<b>294.000,00</b>
<b>611200</b>	<b>Naknade troškova zaposlenih</b>	<b>51.850,00</b>	<b>58.800,00</b>	<b>58.800,00</b>
611211	Naknade za prijevoz s posla i na posao	1.200,00	3.000,00	3.000,00
611221	Naknade za topli obrok	34.500,00	35.000,00	35.000,00
611224	Regres za godišnji odmor	7.600,00	9.000,00	9.000,00

611225	Otpremnina zbog odlaska u penziju	2.850,00	3.200,00	3.200,00
611227	Pomoć u slučaju smrti	3.800,00	6.400,00	6.400,00
611229	Pomoć u slučaju ostalih bolesti	1.900,00	1.900,00	1.900,00
<b>612100</b>	<b>DOPRINOS POSLODAVCA I OSTALIH DOPRINOSA</b>	<b>30.000,00</b>	<b>30.000,00</b>	<b>30.000,00</b>
<b>613000</b>	<b>IZDACI ZA MATERIJALNE SITNE INTERVENCIJE I USLUGE</b>	<b>178.970,00</b>	<b>115.670,00</b>	<b>115.670,00</b>
613100	Putni troškovi	2.000,00	500,00	500,00
613200	Izdaci za energiju	63.000,00	30.000,00	30.000,00
613300	Izdaci za komunikaciju i komunalne usluge	15.350,00	15.350,00	15.350,00
613400	Nabavka materijala i sitnog inventara	10.000,00	10.000,00	10.000,00
613500	Izdaci za usluge prevoza i goriva	6.400,00	5.000,00	5.000,00
613700	Izdaci za tekuće održavanje	20.500,00	15.000,00	15.000,00
613800	Izdaci osiguranja, bankarskih usluga i usl. platnog prometa	2.700,00	500,00	500,00
613900	Ugovorene i druge usluge	59.020,00	39.320,00	39.320,00
613910	Izdaci za informisanje	3.900,00	1.000,00	1.000,00
613920	Usluga za stručno obrazovanje	1.800,00	1.000,00	1.000,00
613930	Stručne usluge	4.000,00	4.000,00	4.000,00
613960	Zatezne kamate i troškovi spora	3.000,00	3.000,00	3.000,00
613970	Izdaci po osnovu drugih samostalnih djelatnosti i povremenog samostalnog rada	8.540,00	8.540,00	8.540,00
613980	Izdaci za poreze i doprinose na dohodak od druge samostalne djelatnosti i povremenog samostalnog rada	3.580,00	3.580,00	3.580,00
613991	Ostale nespomenute usluge i dadžbine	10.000,00	2.000,00	2.000,00
613995	Izdaci za fizičko obezbjeđenje objekta	1.200,00	1.200,00	1.200,00
613997	Izdaci za PDV	23.000,00	15.000,00	15.000,00
<b>821000</b>	<b>II KAPITALNI IZDACI</b>	<b>442.000,00</b>	<b>793.700,00</b>	<b>5.100,00</b>
<b>821000</b>	<b>IZDACI I NABAVKA STALNIH SREDSTAVA</b>	<b>442.000,00</b>	<b>793.700,00</b>	<b>5.100,00</b>
821300	Nabavka opreme	2.000,00	1.700,00	1.700,00
<b>821310</b>	<b>Kancelariska oprema</b>	<b>1.200,00</b>	<b>600,00</b>	<b>600,00</b>
821312	Kompijuterska oprema	1.200,00	600,00	600,00
<b>821360</b>	<b>Strojevi , uređaji, alati i instalacija</b>	<b>800,00</b>	<b>1.100,00</b>	<b>1.100,00</b>
821361	Strojevi, uređaji, alati i instalacija	800,00	1.100,00	1.100,00
<b>821500</b>	<b>Nabavka sitnih sredstava u obliku prava</b>	<b>40.000,00</b>	<b>65.000,00</b>	<b>0</b>
<b>821520</b>	<b>Osnivačka ulaganja</b>	<b>40.000,00</b>	<b>65.000,00</b>	<b>0</b>
821521	Izrada i revizija glavnog projekta rekonstrukcija gradskog bazena Prekounje	0	30.000,00	0
821521	Izrada idejnog projekta Istočne tribine gradskog stadiona Borići		5.000,00	0
821521	Izrada idejnog – glavnog izvedbenog projekta , sa antenskim stubom Zapadne tribine gradskog stadiona Borići	40.000,00	30.000,00	0
<b>821600</b>	<b>Rekonstrukcija i investiciono održavanje</b>	<b>400.000,00</b>	<b>727.000,00</b>	<b>0</b>
<b>821610</b>	<b>Rekonstrukcija.</b>	<b>400.000,00</b>	<b>727.000,00</b>	<b>0</b>
	Nabavka i postavljanje natkrivenog multifunkcionalnog terena - Stens	0	240.000,00	0
	Sanacija rasvijete na SRC Stens II faza – sredstva Federalnog ministarstva kulture i sporta	0	10.000,00	0
	Sanacija rasvijete na SRC Stens II faza – sredstva Ministarstva za građenje , prostorno uređenje i zaštitu okoliša USK-a	0	17.000,00	0
	Uređenje pomoćnog terena za nogomet	400.000,00	400.000,00	0
	Troškovi izdavanja odobrenja za građenje – Rekonstrukcija gradskog bazena u Prekounju	0	60.000,00	0
	<b>SVEGA RAZDJEL 9001000</b>	<b>994.920,00</b>	<b>1.292.170,00</b>	<b>503.570,00</b>
	Ukupan broj zaposlenih	17	17	17

#### **2.4. Obrazloženje:**

Zbog prelaska na trezorsko poslovanje utrađena je tabela sa kontom koji je jedinstven za sve korisnike trezora, tako da su se naša neka sredsrtva u prethodnom periodu nalazila na nekim drugima stavkama, a sada su u skladu sa kontima na drugoj poziciji. U suštini nema razlike u iznosima.

#### **III. ZAKLJUČAK**

Realizacija Finansijskog plana zavisi od priliva sredstava Osnivača, vlastitih sredstava i ostalih izvora finansiranja, kao i sama realizacija planiranih projekata u dvorani Luke.

Direktor :

---

Ermin Lipović

Broj: 174-01/2021EL

Datum: 18.05.2021.godine



Na osnovu člana 35. tačka (kk) Statuta Grada Bihaća („Službeni glasnik Grada Bihaća“ br. 13/15, 13/18) i člana 132. tačka (b) Poslovnika Gradskog vijeća Bihać („Službeni glasnik Grada Bihaća“ br. 3/16, 4/20), Gradsko vijeće Bihać, na sjednici održanoj dana            godine, donosi

## **Z A K L J U Č A K**

### **o davanju saglasnosti na Program rada i Finansijski plan Javne ustanove za sport, odmor i rekreaciju Bihać 2021. godinu**

#### **I**

Daje se saglasnost na Program rada i Finansijski plan za 2021. godinu "Javne ustanove za sport, odmor i rekreaciju Bihać" koji su usvojeni odlukama Upravnog odbora br. 184-06/2021DJ od 24.05.2021. godine i br. 185-06/2021DJ od 24.05.2021. godine

#### **II**

Ovaj Zaključak stupa na snagu danom donošenja i objavit će se u Službenom glasniku Grada Bihaća.

Predsjedavajući Gradskog vijeća  
Zulfikar Handukić